



**R. P. Lvcæ Pinelli Societatis Iesv, Theologi, Exercitia
Spiritvalia Qvadraginta, De Sacrosancto Eucharistiæ
Sacramento**

Pinelli, Luca

Coloniae, 1608

Exercitivm I. De amore quem Christus in hoc sanctissimo Altaris
Sacramento exhibuit.

[urn:nbn:de:hbz:466:1-59691](https://nbn-resolving.de/urn:nbn:de:hbz:466:1-59691)

EXERCITIUM I.

De amore quem Christus in hoc san-
ctissimo Altaris Sacramento
exhibuit.

PUNCTA MEDITATIONIS.

1. C O N T E M P L A R E frater mi, inge-
tem, quem tibi Christus in pretiosi
huius Sacramenti donatione declarauit a-
morem: in quo semetipsum verū D E V M
& hominem tibi donando , nihil nec ma-
ius,nec carius , nec animæ tuæ salutarius
largiti potuit.

2. C O N S I D E R A , Christi amorem
tam flagrantem & effusum extitisse, ut sui
metipius nullam rationem habuerit, quo
tuis commodis & utilitatibus consuleret;
nam proditionem suam,quam à Iuda iam
conceptam & auspicatam esse nouerat,di-
sturbare atque euertere non curauit; sed ad
instituēdum pro salute tua venerabile hoc
corporis & sanguinis sui Sacramentum,
omnes suas curas & cogitationes contu-
lit.

3. E X P E N D a tecum , Christo Serua-
tori satis non fuisse gloriosum corpus suū,

A

ad

2 EXERCITIVM I.

ad perennem sui memoriam tibi relinquere: verum etiam voluisse, ut idem corpus animæ tuæ robur & vires conferret, eiique pignoris æternæ gloriæ loco esset. Quod euidentissimum ardentissimi amoris illius erga te est argumentum.

4. C O N S I D E R A magnum fuisse inter I E S V Christi erga nos amorem, & nostram ingratitudinem certamen: ille Christum ad huius eximij doni collationem impellebat, hæc vero non donum sed supplicium flagitabat: sed vicit amor, quia Christus Saluator, non attenta ingratitudine nostra, pretiosissimo ac saluberrimo hoc dono nos impertivit.

5. C O N S I D E R A amorem effecisse, vt quamuis augustissimo hoc Sacramento, neque digni, neque capaces essemus, imo propter scelera nostra graues potius pœnas mereremur: nihilominus benignissimus I E S V S ex hoc mundo transiturus, pro flagellis quibus in nos animaduertere debebat, singulari hoc Sacramento nos donauerit.

COLLOQVIVM.

Q Vid ô Domine, bonitatis vidisti in me, propter quod me tantoperè dilexi, ut in venerabili Sacramento Altaris temet-

DE SAC. EVCHARISTIAE. 3

remet ipsum, coram quo ne Cherubim quidem digni sunt consistere, cuiusque maiestatem tora cœlestis aula reueretur, verè presentem relinquere volueris? O Spiritus Angelici, en verè possum affirmare, illum qui cælum & terram tremere facit, meum esse. quia Deus versus illum mihi donauit. *Nobis enim datus nobis natus est ex intacta virgine.*

O bone Iesu, si penitus me introspiceret voluisse, materiam potius odij, quam amoris & beneficiorum in me conferendorum occasionem reperire potuisse. Imo propter peccata & negligentias meas, à te potius uti rebellis & ingratus repelliri merebar: sed charitas tua multitudinem peccatorum meorum operuit, eaque ab oculis tuis abscondit ac prohibuit, ne ad me cum virga, quemadmodum iustitia requirebat, sed cœlesti cum munere, ut misericordiae tuæ conueniebat, accurreres. Sufficiebant Domine, innumera, quæ præcesserant à te mihi impensa beneficia, qualia erant Creationis, Conseruationis, Incarnationis & alia, quæ numerari nequeunt: sed ut video, qui verè diligit, nunquam conferendis in amatum beneficijs satiati potest: atque; ut animaduerto, amor amati errores ac vitia contegit, ne in amati amore frigescat, atque; ab eo benefactis ornando se cohipeat.

A 2

Quid

EXERCITIVM I.

4
Quid igitur faciemus Anima mea ? Quid dabimus huic Domino , ita nos diligenter ? Non vides , D E V M Patrem , & Filium inter se quasi certamen quoddam instituere , ut ardentius nos diligat , maioribusque nos beneficijs cumulet ? Pater ita dilexit mundū , ut filium suum vnigenitum ei donaret . Filius ita dilexit nos , ut nobis corpus & sanguinem suū impertuerit . O amorem potestissimum . O donum pretiosissimum . Anima mea certemus nos etiam cū D E O , & si non possumus ei dare æquialens , donemus ei ut minimum quod possumus & habemus . Tribuamus igitur illi cor nostrū , & ut hoc donum ei gratum iucundumque sit , largiamur ei illud animo prompto ac hilari , & cum amore , quia amor non nisi amore compensari potest .

ORATIO.

A Morosissime IESV , qui de cælis descēdisti ut ignem mitteres in terram , te obsecro per viscera charitatis tue , ita cor meum igne cœlesti succende , ut cum amore , & per amorem laudem , honorem & suscipiam admirabile hoc Altaris Sacramentum ,

DE SAC. EVCHARISTIAE. 5

mentum, à te per amorem salutis meæ gratia institutum.

MIRACULÆ.

Refert Iacobus de Voragine *serm. de sanct. p. Sacram.* Et ex eo Alphonsus Vigliegas de *Fruct. Sanctorum. Disc. 27.* Fœminam quandam ita cœlestis huius Sacra- menti amore flagrasse, ut cum die quadam vehementi illius percipiendi desiderio, teneretur, & à Parocho facultatem obtinere nequiusset, mcerore confecta, in angulum quendam Ecclesiæ sese abdiderit, sequetotam lachrymis tradiderit. Dumq; illa acerba comploratione suam D^eo infelicitatem quereretur, ecce tibi ingreditur Ecclesiæ venerandæ auctoritatis Prælatus, multis stipatus clericis. Hic sereno & blando vultu ad eam conuersus interrogat, cur ita plangeret. Illa cum fletus sui hanc causam esse respondisset, quod denegata sibi fuisset à Parocho facultas cœlestem sponsum suum, quem super omnia diligeret atque desideraret, in Sacramento Eucharistiæ suscipiendi; Prælatus iussit eam accedere ad tabernaculum, in quo sacræ hostiæ asseruabantur; lectoque Confiteor, è taber- naculo pixidem cū sarcis hostijs protulit, atque

atque earum vnam (erant autem ternæ) mulier porrexit, dicens : *Corpus meum custodiat animam tuam in vitam eternam* ; Ex quibus verbis mulier intellexit, eum esse Christum. Reposita autem pyxide, omnibusque peractis, Prælatus ille cum Clericis repente disparuit. Mulier vero ingenti, supra quam dici potest, consolatione delibutafuit. Dumque in Christi benignitate exultaret, eique pro tanto beneficio gratias agebat, superuenit Parochus. Huic cum fœmina totum rei successum exposuisse, ille tabernaculum referans, pixidemque in qua trinas reliquerat hostias examinans, binas duntaxat reperit, indeque rei veritatem intellectexit. Quamobrem stupefactus, simul cū fœminā D E O gratias reculit, qui sic afflitos consolatur, atque se diligentes nunquam deserit,

Idem auctor refert, S. Hilarium Episcopum Pictauorum, cuidam singulari castitate, atque in D E V M pietate puellæ, promisso, se daturum ei sponsum sole speciosiorem atque fulgentiorem. Illa sponsa huius amore inflammata, petijt eum sibi demonstrari. S. Hilarius eam ad Missam suam inuitauit: Finitis vero Missarum solennijs, vocavit illam, & prolato corpore Domini, ait ad eam: *Filia ecce hic est sponsus*

DE SAC. EVCHARISTIAE. 7

sus à me tibi aliquoties promissus : suscipe
igitur eum magna cum animi deuotione
ac reuerentia. Illa amore illius succensa,
tanto cum desiderio accessit, tanto cum af-
fectu suscepit , & in spiritu tam fortiter ei
se vniuit. vt anima eius à corpore separata
fuerit, & ineffabili cum iubilo ad perfruē-
dum cælestis sponsi nuptijs euolauerit. Fu-
it tum ibi exaudita cælestis melodia, Ange-
licorum spirituum concinentium & dice-
tium. Gloria in altissimis DEO. Veni spōsa Chri-
sti, & percipe coronam quam tibi Dominus ex om-
ni aeternitate p̄parauit.

DOCUMENTVM.

Fili quandoquidem Christus amore im-
pulsus, hoc amoris sacramentum tibi
donauit, necessarium est, vt tu etiam illum
ames, si vis animam tuam ingenti illius de-
siderio teneri. Hoc autē desiderio flagrans,
id consequeris, vt Christum suscipiens, ex-
ultes : & illo priuatus, cum hac muliere,
affigaris & contristeris. Sicq; verificabi-
tur in te illud Chrysostomi, Vnus sit nobis
dolor, hac mensa priuari.

A 4

Ora-

EXERCITIUM II.

Orabis pro S. Ecclesia Catholica , ut ei
Deus largiatur spiritum amoris & gra-
titudinis, quo pretioso huic muneri quod
a Iesu Christo sponso suo accepit, factis
& operibus respondeat.

EXERCITIUM II.

*De sapientia quam Christus in hoc
Sacramento demonstrauit.*

PUNCTA MEDITATIONIS.

1. **C**ONTEMPLARE Anima pia,
quomodo pomi vetiti comedie-
nos a Deo separavit, & è Paradiso terre-
stri exturbavit: Sed Christus sua sapientia
de alio nobis cibo prouidit, vimirum de
sanctissimo Altaris Sacramento , cuius e-
sus Deus nos coniungit, & ad caelestis Pa-
radisi gaudia perducit.

2. **C**ONSIDER A Christi sapientiam,
in eo quod modum ac rationem adinuen-
it, quo nos in tractatione atque sumptio-
ne salutiferi huius Sacramenti securiores
zedderet. Si enim semet ipsum ibi, in gloria
& Maiestate sua exhibuisset, nemo propter
diuinæ